




INTXAURRONDO
Kultur Etxea



memoria
2019



Lee Perry



Leon Benavente

Musika da Intxaurreondo Kultur Etxeko agertokia ezaugarritzen duena eta zentroa Intxaurreondotik at ezagutarazten ari dena. Eskenatoki hori gero eta ezagunagoa eta maiteagoa da sortzaileen zein ikusleen artean eta horren emaitzak 2019an ikusgarriak izan dira. Erakusleio horren berri ematera pasatu aurretik 2019an bere inguruan josi den eskaintza islatzea ezinbestekoa da: batetik, **Niña Coyote eta Chico Tornado** taldearen **egonaldia**, auzoko gazteei musika ezagutzeko beste modu bat eman ziena, barrutik, harreman zuzenek ematen dituzten aukerei probetxua ateraz. Musika taldearen egonaldi honetan ere Larrotxene Bideoko ikasleek bideo

berezia sortu zuten Intxaurreondoko bi kultur etheen egitasmoak lotuz.

Bestetik, **Musikagelak zerbitzuaren** bidez, entsaiatzeko aukera emateaz gain, beste egitasmo asko aurrera eramateko aukera ematen du: **dKluba** programaren baitako kontzertu guztietan tokiko musikariei lekua eman zaie. Musikagelak zerbitzutik ere azpimarratu behar da musikan aritu nahi direnei ematen zaien **formaziorako eskaintza berezia**. Eta Musikagelak zerbitzuaren armiarma ere izan da kultur etxeko zerbitzu desberdinen arteko **jarduerak lotu dituen**a (Plus 55, Liburutegia, edo Gaztelekua,..., Poesialdian, erakusketak irekitzean, eta abar).

Intxaurreondo Kultur Etxeko eszenatokiak eman duen eskaintza maila handikoa izan da 2019an, bereziki euskal musikari dagokionez. Ondorioz une ahaztezinak utzi ditu: **Gatibu** taldearen hiru saioetan aretoa beteta, ikaragarritzko giroan. **Delorean** taldearen azken kontzertu zirraragarria, festa giroan eta zale ugarien artean. **Lisabo** taldearen arrakasta, publiko desberdinak elkartzerakoan. **Nazioarte mailako** kontzertuetan kalitateagatik eta publikoaren erantzunagatik ere azpimarragarriak dira izan dira **Lee Scratch Perry**, **Leon Benavente** edo **Nikki Hill** eta **Eilen Jewell**. Gazteria Sailarekin batera, donostiar gazteenei emaniko eskaintzak itxi zuen urtea **Esne Beltzak** taldearen emanaldiarekin. Guzti hauetan **“sarrera agortuak”** kartela jarri izanak eskaintzaren arrakastaren berri ematen du.

Jaialdiei dagokienean **Musikagela Weekend** jaialdiak eskarmentu maila desberdinak jaso zituen: **Los Mambo Jambo** taldeaz gain **Hot Potato Blues Band** eta **Ispirit** tokikoak





bilduz. **Urban Femme** programak emakumeak musikan egiten ari diren ekarpenari lekua utzi zion: musika urbanoa, emakumezkoen rapa. Udazkenean ere Donostian errotu diren beste bi jaialdi kokatu ziren **Donostikluba Festibalak** musika urbano eta trap bildu zituen; eta **Revolution Jamrock** Donostia Reggae Festival-ak reggae zaleei eskaintza zabala eman ziena.

Halaber Intxaurrondo Kultur Etxea bere auzoan ere integratua dago eta horren seinaldi dira tokiko programen habia izatea, auzoko programa garrantzitsuenen partaidetza. Ildo horretan 2019an une bereziak izan dira **Ikastolaren 50. urteurrena**, 25. Ibiltarien Astea edo **Nitik harago, baietz 11 Intxaurrondon** ekimena, adibide batzuk aipatze arren.

Intxaurrondo Ikastolarekin

Kultur Etxea ibilbide luze horren erakusleioa bihurtu zen, bertan egindako erakusketa jasotzerakoan, bisitari ugari jaso zituen.

Intxaurrondo Ikastola eta Kultur Etxea nolabait jaiotzatik loturik izan diren bi egitasmoak dira, erroak Intxaurrondo kaleko Urdintxon eta Larrotxenen kokatutak, gerora Hegoaldera zabaltzen direnak; beren harremana bizirik dirauen lekuko izan da erakusketa.

25. Ibiltari astea ere Intxaurrondo lau haizetara zabaltzen duen programa izan da, 2019an 25 urte betetzerakoan une bereziak bizi izan ditu. Ibilbide horren isla jasoa geratu da bideo baten bidez.

Emakumeen Astea ere tradizio handiko programa da Intxaurrondon. 2019ko hitzordua **Raketistak** erakusketaren inguruan garatu zen eta sorturiko programazio hau

ere bideo batean jaso da. Astea martxoan bukatu arren, udazkenean kolaborazio berriak izan dira.

Nitik harago, baietz 11

Intxaurrondon ekimena azaroaren 22an hasi eta Euskararen Eguna erekin bukatu zen. Euskaraldiak hautu pertsonaletik kolektibora salto egiteko modua zein den praktikan jartzeko parte hartu zuen Intxaurrondo Kultur Etxeak, Larrotxenerekin batera, bakoitzean arigune propioa eratuz. Bertan izandako esperientzia jaso eta etorkizunean parte hartze propioa hobetzeaz gain beste batzuentzat eskarmentu probetxugarria izango dena.



25. Ibiltarien astearen kartela

Horrez gain urterokoak hilabetez hilabete joan dira osatzen Intxaurrondo Kultur Etxeko eskaintza **auzoko dinamikan integratua**: kale antzerkiak eta jai giroan egiten diren elkarlanak (Intxaur jaiak, Sagasti Eder, Intxaurrondo Zaharra, Gaztelu), Intxaurrondo eguna, Extremadurako etxeko egitaraua edo Gabonak Zuretzat.

Tokiko berezitasunez gain Intxaurrondo Kultur Etxearen bitartez, Donostiako beste hainbat auzo eta kultur etxeekin batera garatzen diren egitarau bereziek ere Intxaurrondon izan dute leku propioa: **Poltsiko Antzerkiaren jaialdia, dFeria, Poesialdia, Giza**



Eskubideen Zinemaldia, Olatu

Talka, Literaktum...; auzotarrei beste motako eskaintzez gozatzeko parada emanez.

Ikasturtearekin batera Intxaurrondo Kultur Etxeko eskaintza iraunkorra garatzen da: otsailetik ekainera edo urritik urtarilerara, zein ikasturte osoan zehar hedatzen den ikastaroen eskaintzaren bidez. Norberaren zaintza helburu duten yoga edo luzamenduak egiteko ikastaroek oihartzun handiena jaso zuten eta zentroak dituen aukerak txiki geratu ziren dagoen eskaera guztiari ezin erantzunez. 2019/20 ikasturte berrian arestian aipatutakoekin batera txirringak konpontzea edo baratzen aritzea izan dira arrakastatsuenak.

Ikastaro hauen partaideak Intxaurrondo Kultur Etxean diren beste zerbitzu iraunkorretan parte hartzen dutenekin batera 125.430 erabileren fluxua bildu dute 2019an. Zerbitzu horiek guztiek Kultur Etxeko eskaintza zabala osatzen dute: **Haur eta Helduentzako Liburutegi** osatu bezain handia, **Komikiak** sail garrantzizkoarekin; **Haurtxoko eta Gazteleku zerbitzuak**, **Plus 55** zerbitzua edo **Musika Eskola**, hala nola Gizarte Ekintza Zuzendaritzarekin elkarlanean gauzatzen direnak.

Liburutegiaren unibertsoan erabat finkatuak dauden jarduerak aurrera jarraitu dute: **tertulia literarioa**, **komikiaren solasaldia**, **ipuinaren ordua**, **Plus55** eta **Musikenerekin** lankidetzaz, zehazki **Poesiaren Eguna** ospakizunean eta **Giza liburutegiak jardueran**. Nabarmenezkoa dira, batetik, **Liburu Baby Kluba** egitasmoaren harrera ona, haurtxotekaren dinamizazio-helburuekin bat datorren familia-publikoa erakartzen baitu. Eta

bestetik 2019an **Intxaurrondo Hegoko Ikastetxearekin** lankidetzaz estutu izana, LH5eko klaserako literatura-solasaldi bat eginez, Intxaurrondo Liburutegiko bertako liburuzain batek gidatuta. Egia esan, auzoko gela asko dira bisita gidatuz gozatu dutenak.

Azkenik **liburutegiari** dagokionean, bere patio bereziak 2019ko udan eman duen aukera berritua, hainbat hobekuntza egin ondoren, aire zabalean irakurtzeko espazio ludiko berria eskaini duelako

Haurtxoko eta Gazteleku zerbitzuei

dagokienean, ekimen ugari egin dira, bai egunerokoan zein epe luzeko proiektuetan parte hartuz, urte oparo eta positiboa izan da, zalantzarik gabe. Haurren eta gazteen partaidetzaren sustapenean aurrerapausoak eman nahian, hainbat proiektu landu dira: **Tantaz-Tanta Ozeanoa** proiektu komunitarioa, edo **Zaletu!** esate baterako. Horrez gain, auzoko erakundeekin elkarlanean, Intxaurrondoko festetan, Euskararen Egunaren ospakizunean, **Ni-tik harago! Baietz 11** Intxaurrondon eta beste hainbat ekimenetan parte hartu dute zerbitzuek, beste eragile, eskola, elkarte eta abarrekin erlazio zuzena landuz. Urteko balorazioa oso ona izan da eta 2020an ere ekindako lanari jarraipena ematea da helburu.

PLUS 55 zerbitzuaren bitartez berriz aurtan 19 jarduera egin dira. Besteak beste: Antzerki Amateurra, belaunaldien arteko jarduerak, Kirola Udaren, Donostian egindako ibilbideak, Larunbatak Dantzan, Olerkariaren Txokoa edota Giza Liburutegia eta mota guztietako tailer eta ikastaroak (*Sexhitz*, teknologi berriak, Clown...).

Bukatzeko azpimarratzea Kultur Etxeak dituen areto eta ekipamenduak gero eta erabilera handiagoa dutela ez soilik bertako eragile eta taldeek egin (auzoko elkarteak, bizilagunak eta abar) baizik eta kanpotik datozen erakunde, sail zein elkarte ugari beren egitasmo eta jarduera gauzatzera: ikasturte bukaerako emanaldiak, entseguak, grabazioak,... Erabilera hauek arau orokorren arabera lagapen zein alokairu moduan izan dira, zentroak dituen mugak kontuan hartuta.



Zapatak airean



Kopurua Erabiltzaileak

Jarduerak

GUZTIRA	758	28.693
Antzerkia	15	2.220
Musika	20	7.156
Zinea	8	447
Hitzaldiak eta mahai inguruak	7	540
Erakusketak	61	3.055
Bilerak eta elkarten ekitaldiak	90	2.291
Liburutegiko jarduerak	93	1.810
Plus 55	47	1.690
Olatu Talka	4	541
Gazteleku	188	4.672
Haurtxoko	214	3.895
Beste	11	376

Bisitaldiak

Zerbitzuak

GUZTIRA	75.356
Liburutegia	67.915
Musikagela	2.591
Musika eskola	4.850

IKASTAROAK

ERABILTZAILEAK

Prestakuntza

GUZTIRA	36	462	
		Emakumeak	Gizonal
GUZTIRA	36	279	183
Euskaraz	10	59	50
Gaztelaniaz	26	220	133
GUZTIRA 2018/2019 Ikastaroak	20	136	44
Euskaraz	4	20	20
Gaztelaniaz	16	116	70
GUZTIRA 2019/2020 Ikastaroak	16	143	93
Euskaraz	6	39	30
Gaztelaniaz	10	104	63

KULTUR ETXERA EGINDAKO BISITAK (GUZTIRA): 125.430